

660

mirze
26-03-2019

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-01287/19
Sarajevo, Mart 20. 2019. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
n/r, predsjedavajućeg, Elmedina Konakovića

Predmet: Odgovor na zastupničko pitanje broj: 01-05-3581-3/19 od 27.02.2019 godine postavljeno od strane zastupnika Mirze Čelika - dostavlja se;

Kantonalna uprava za inspeksijske poslove Kantona Sarajevo, dana 13.03.2019.godine zaprimila je zastupničko pitanje postavljeno od strane zastupnika Mirze Čelika na Petoj radnoj sjednici Skupštine Kantona Sarajevo, održanoj dana 27.02.2019. godine u okviru tačke Dnevnog reda "Poslanička /zastupnička pitanja, inicijative i odgovori" a u skladu sa Poslovníkom Skupštine Kantona Sarajevo koje glasi

" S obzirom da imam saznanje da je Kantonalna uprava za inspeksijske poslove dana 22.02.2019. godine izvršila inspeksijske radnje u JU CKS KS/BKC KS, a opet želeći da ne budem ni pod čijim utjecajem te da izbjegnem svaki vid senzacionalizma bez prethodne detaljne provjere, danas u formi svojih pitanja želim vrlo jasno dati priliku direktoru Uprave da navedenu informaciju demantuje ili pojasni detalje ukoliko je ista istina.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Slijedom navedenog postavljam pitanje:

Možete li potvrditi navode da je Kantonalna uprava za inspeksijske poslove tokom vršenja inspeksijskog pregleda utvrdila da je Alma Forto zaposlena u JU CKS KS / BKC KS na ugovoru o djelu?

Ukoliko jeste, ovom prilikom želim da me informirate o budućim koracima Kantonalne uprave za inspeksijske poslove s obzirom da imam saznanje da je kantonalna inspekcija i ranije po službenoj dužnosti izlazila na lice mjesta i izdavala određene upravne mjere (Odgovor na okolnosti iz predstavke br. UP-1-14-09-34-02090/18-005 od 12.02.2018. godine i Rješenje broj: 14-03-49-00928/18 od 19.03.2018.godine, prijava od 12.02.2019. godine). S tim u vezi tražim da mi se dostavi cjelokupna dokumentacija (stenogrami zapisnika) Kantonalne uprave za inspeksijske poslove po ovom konkretnom pitanju. "

U vezi s postavljenim pitanjem, dostavljamo slijedeći

ODGOVOR :

Inspektor rada je, postupajući po pisano podnesenoj prijavi, u predmetu broj: UP-1-14-09-34-03274/19, dana 22.02.2019. godine u prostorijama JU Bosanski kulturni centar Kantona Sarajevo sa sjedištem u ul.Branilaca Sarajeva broj 24, izvršio inspeksijski nadzor na okolnosti provjera zakonitosti radnog angažmana lica zatečenih na radu. U momentu vršenja inspeksijskog nadzora, zatečeno je 19 lica.

Provjerom radno pravnog statusa zatečenih lica utvrđeno je da 18 lica ima uredan radno pravni status /zaključen ugovor o radu sa urednom prijavom na osiguranje/, dok je jedno lice Alma Forto, angažovana na osnovu ugovora o djelu i to za obavljanje poslova referenta za organizaciono tehničke poslove. Ugovor je zaključen na period od 01.02. do 28.02.2019. godine.

Navedeno je utvrđeno kao prekršaj iz člana 4. Zakona o radu ("Sl.novine Federacije Bosne i Hercegovine" broj:26/16 i 89/18) zbog čega je prema pravnom i odgovornom licu djelovano izdavanjem prekršajnih naloga, i to za pravno i odgovorno lice u iznosu od po 500,00 KM, te licu zatečenom na radu bez zaključenog ugovora o radu u iznosu od 100,00 KM.

Kao razlog angažovanja imenovane putem ugovora o djelu, prema izavi lica prisutnog inspeksijskom nadzoru, je iznenadna smrt dugogodišnjeg radnika koji je obavljao navedene poslove, te hitna i neophodna potreba za radnim angažmanom na predmetnom radnom mjestu. U istom inspeksijskom nadzoru, ispred poslodavca je najavljeno otklanjanje utvrđenih nepravilnosti na način što će u skladu sa važećim propisima provesti proceduru zapošljavanja na navedenom radnom mjestu putem javnog oglašavanja.



web: <http://kuip.ks.gov.ba>, mail: kuip@kuip.ks.gov.ba

Tel: ++ 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Dana 08.03.2019. godine, ponovo je zaprimljen zahtjev za vršenje inspeksijskog nadzora u JU Bosanski - kulturni centar Sarajevo, kojim se prijavljuje "nezakonito objavljivanje javnog oglasa za prijem u radni odnos na određeno vrijeme".

Po navedenom zahtjevu inspektor nije postupao o čemu je obavijestio podnosioca zahtjeva za vršenje inspeksijskog nadzora, iz razloga što je uvidem u zahtjev i priloge istog koji se odnosi na tekst javnog oglasa konstatovao da je oglas objavljen u skladu sa važećim propisima na osnovu prethodne saglasnosti resornog Ministarstva kulture i sporta Kantona Sarajevo broj: 12-34-4591/19 od 28.02.2019. godine, te što objavljivanje takvog javnog oglasa predstavlja ujedno i zakonsku obavezu za JU Bosansko-kulturni centar.

Na kraju želimo istaći da stenogram zapisnika Kantonalne uprave za inspeksijske poslove nismo u mogućnosti dostaviti iz razloga što se prilikom vršenja inspeksijskog nadzora sačinjava zapisnik o izvršenom inspeksijskom nadzoru u pisanoj formi. Sva raspoloživa dokumentacija koja se odnosi na vršenje inspeksijskog nadzora kod navedenog subjekta nadzora nalazi se kod postupajućeg inspektora rada i stoji Vam na raspolaganju u dijelu koji se odnosi na razgledanje spisa.

S poštovanjem,

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: - 387 (0) 33 770-151, - 387 (0) 33 569-890

Sarajevo, Aleja Bosne Srebrene bb